

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), člana 11. stav 2. Zakona o koncesijama -Prečišćeni tekst („Službene novine Zeničko-dobojskog kantona“, broj 5/03), člana 1. Zakona o dopuni Zakona o koncesijama („Službene novine Zeničko-dobojskog kantona“, broj 3/13), Odluke o utvrđivanju minimalnih naknada za koncesije („Službene novine Zeničko-dobojskog kantona“, broj:6/13), na prijedlog Ministarstva za privredu, Vlada Zeničko-dobojskog kantona, na 117. sjednici, održanoj dana 18.07.2013.godine, d o n o s i

ODLUKU

o dodjeli koncesije za istraživanje i eksploataciju mineralnog resursa-krečnjaka na ležištu „Široke stijene“ općina Zenica

Član 1.

(Predmet)

Privrednom društvu ŽGP d.d. Zenica (u daljem tekstu Koncesionar) dodjeljuje se koncesija za istraživanje i eksploataciju mineralnog resursa- krečnjaka na ležištu „Široke stijene“ općina Zenica.

Član 2.

(Lokacija)

(1) Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

TAČKA	X	Y
A	4 896 695	6 496 251
B	4 896 514	6 496 257
C	4 896 477	6 496 453
D	4 896 620	6 496 573
E	4 896 800	6 496 497
F	4 896 911	6 496 692
G	4 896 913	6 496 660
H	4 896 935	6 496 602
I	4 896 951	6 496 519
J	4 896 924	6 496 372
K	4 896 871	6 496 294
L	4 896 847	6 496 279
M	4 896 812	6 496 274
N	4 896 778	6 496 278
O	4 896 735	6 496 288
P	4 896 702	6 496 279
R	4 896 693	6 496 261
A	4 896 695	6 496 251

(2) Površina unutar eksploatacionog polja „Široke stijene“ je 12,20 ha. Spisak katastarskih čestica k.č.2953, k.č.2956/4, k.č.2956/5 K.O. Babino i k.č.1437 K.O Crkvice -po novom premjeru, odnosno k.č.842/6, k.č.842/7 K.O. Babino i k.č.198/102 K.O. Crkvice-po starom premjeru, općina Zenica se nalazi u dokumentu-Geodetskom Elaboratu, sačinjenom od strane „Zedis“ d.o.o. Zenica (maj 2013.godine), Zemljišnoknjižni izvadak, broj: 043-0-NAR-12-007 643 od 09.10.2012. godine;

Član 3.
(Ugovor)

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjeli koncesije za istraživanje i eksploataciju mineralnog resursa-krečnjaka na ležištu „Široke stijene“, u općini Zenica u roku od 60 dana od dana stupanja na snagu ove odluke.

Član 4.
(Elementi Ugovora)

- (1) Osnovni elementi Koncesionog ugovora su:
- a) Vrijeme koncesije za istraživanje i eksploataciju je 25. godina (slovima:dvadesetpet godina). Vremena se računaju od dana potpisivanja Koncesionog ugovora.
 - b) Visina kontinuirane koncesione naknade je 0,97 KM/m³ čvrste mase (slovima: nulazarezvedesetsedamkonvertibilnihmaraka po metru kubnom čvrste mase);
 - c) Visina jednokratne koncesione naknade je 1,10 KM/m² istražno-eksploatacionog prostora;
 - d) Minimalna godišnja količina eksploatisanog mineralnog resursa - krečnjaka na koji je Koncesionar dužan plaćati kontinuiranu koncesionu naknadu je 40.000 m³/godišnje (slovima:četrdesethiljada metara kubnih čvrste mase po godini).
- (2) Koncesionar je dužan:
- a) Platiti iznos od 134.200,00 KM kao jednokratnu koncesionu naknadu;
 - b) Dostaviti ovjerenu mjenicu sa mjeničnom izjavom na iznos od 77.600,00 KM;
 - c) Platiti iznos od 120.036,00 KM kao naknadu za eksploatisane količine krečnjaka iz ranijeg perioda (31.12.2003 - 31.12.2012. godina);
- (3) Sve predhodno utvrđene obaveze ŽGP d.d. Zenica će biti izmirene u četiri jednaka obroka do kraja 2013. godine.

Član 5.
(Istraživanje i eksploatacija)

Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/13.

Datum, 18.07.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x „ŽGP“ d.d. Zenica-putem ministarstva,

1x a/a.